

**SOALAN LAZIM**  
**CABUTAN PRIME BONANZA**

1. **Soalan:**  
Apakah **Cabutan Prime Bonanza**?

**Jawapan:**

**Cabutan Prime Bonanza** adalah Kempen yang dianjurkan oleh PTPTN. Kempen ini sebagai tanda penghargaan istimewa kepada pendeposit Simpan SSPN Prime. Kempen ini menawarkan hadiah lumayan berjumlah keseluruhan hampir **RM500,000**, untuk dimenangi oleh **106 orang pemenang**. Kempen terbahagi kepada dua (2) kategori cabutan untuk disertai oleh pendeposit Simpan SSPN Prime:-

- a) Kategori Platinum
- b) Kategori Gold

2. **Soalan:**  
Bilakah tempoh kempen **Cabutan Prime Bonanza** bermula?

**Jawapan:**

Tempoh kempen adalah seperti berikut:-

Cabutan	Tempoh Kempen	Tempoh Pengekalan
Cabutan Prime Bonanza	1 Julai – 31 Oktober 2026	1 November 2026 – 31 Januari 2027

3. **Soalan:**  
Apakah yang dimaksudkan dengan **Tempoh Pengekalan**?

**Jawapan:**

**Tempoh Pengekalan** adalah tempoh di mana pendeposit tidak boleh membuat sebarang pengeluaran dan/ atau pindahan simpanan semasa tempoh pengekalan daripada mana-mana akaun yang didepositkan dalam tempoh Kempen untuk melayakkan cabutan.

4. **Soalan:**  
Apakah syarat-syarat untuk menyertai kempen **Cabutan Prime Bonanza**?

**Jawapan:**

Syarat-syarat untuk menyertai promosi ini adalah seperti berikut:

- i. Terbuka kepada pendeposit **Simpan SSPN Prime** yang **membuka akaun** atau **membuat penambahan simpanan** dalam tempoh Kempen;
- ii. Pendeposit **tidak boleh membuat sebarang pengeluaran dan/ atau pindahan simpanan semasa tempoh pengekalan daripada mana-mana akaun yang didepositkan** dalam tempoh Kempen untuk melayakkan penyertaan dalam cabutan;
- iii. Kempen ini **TIDAK LAYAK** disertai oleh kakitangan PTPTN dan ahli keluarga (merangkumi pasangan dan anak-anak);

iv. **Kelayakan Bilangan Cabutan**

Cabutan	Simpanan Bersih	Bilangan Cabutan	
		Transaksi Berjaya Melalui Platform Selain myPTPTN/ Potongan Gaji (PG)/ Debit Terus (DD)	Transaksi Berjaya Melalui myPTPTN / Potongan Gaji (PG)/ Debit Terus (DD)
Cabutan Prime Bonanza	RM100	10 cabutan	20 cabutan

v. **Kelayakan Tambahan Baqi Cabutan Prime Bonanza terbahagi kepada Dua (2) Kategori Berikut:**

Kategori	Simpanan Bersih
Platinum	Minimum RM15,000.00 dan ke atas
Gold	Minimum RM1,000.00 – RM14,999.99

v. Tiada had untuk bilangan cabutan;

vi. Pendeposit digalakkan untuk melakukan **transaksi melalui myPTPTN/ Potongan Gaji (PG)/ Debit Terus (DD)** untuk mendapatkan ganjaran **cabutan berganda**; dan

vii. Pendeposit hendaklah **memastikan akaun Simpan SSPN Prime kekal aktif.**

5. **Soalan:**

Adakah permohonan perlu dibuat untuk melayakkan pendeposit menyertai **Cabutan Prime Bonanza**?

**Jawapan:**

Tidak perlu kerana kelayakan **Cabutan Prime Bonanza** ini adalah automatik bagi pendeposit yang layak.

6. **Soalan:**

Adakah pendeposit **LAYAK** menyertai kedua-dua kategori bagi **Cabutan Prime Bonanza**?

**Jawapan:**

Pendeposit hanya **LAYAK** menyertai **salah satu kategori sahaja** bagi **Cabutan Prime Bonanza** berdasarkan simpanan bersih yang dibuat dalam tempoh Kempen.

7. **Soalan:**

Bagaimanakah pendeposit boleh membuka akaun/ menambah simpanan **Simpan SSPN Prime**?

**Jawapan:**

Akaun **Simpan SSPN Prime** boleh dibuka/ ditambah melalui myPTPTN <https://www.ptptn.gov.my/myptptn/>, di kaunter cawangan PTPTN, atau melalui ejen-ejen sah yang telah dilantik.

**8. Soalan:**

Adakah pendeposit **LAYAK** menyertai cabutan sekiranya pendeposit telah membuat pengeluaran dan/ atau pindahan simpanan di daam tempoh Kempen atau semasa tempoh pengekalan daripada akaun yang didepositkan dalam tempoh Kempen?

**Jawapan:**

Kelayakan cabutan adalah seperti berikut:-

Bil	Perkara	Kelayakan Cabutan
1	Pengeluaran dan/atau pindahan simpanan <b>semasa tempoh Kempen</b> sahaja.	LAYAK
2	Pengeluaran dan/atau pindahan simpanan <b>semasa tempoh pengekalan</b> sahaja.	TIDAK LAYAK
3	Pengeluaran dan/atau pindahan simpanan <b>semasa tempoh kempen dan tempoh pengekalan.</b>	TIDAK LAYAK

**9. Soalan:**

Sekiranya pendeposit membuat **penambahan simpanan** melalui myPTPTN/ **Potongan Gaji (PG)/ Debit Terus (DD)** dan pada masa yang sama juga membuat penambahan simpanan melalui **platform selain myPTPTN/ Potongan Gaji (PG)/ Debit Terus (DD)** serta **melakukan pengeluaran semasa tempoh kempen**, bagaimanakah kiraan jumlah simpanan bersih ditentukan?

**Jawapan:**

Berdasarkan situasi di atas, sekiranya pendeposit membuat pengeluaran semasa tempoh kempen, jumlah pengeluaran akan ditolak daripada simpanan yang dibuat melalui platform **myPTPTN/ Potongan Gaji (PG)/ Debit Terus (DD)** terlebih dahulu bagi mendapatkan jumlah simpanan bersih seterusnya menentukan jumlah kiraan bilangan cabutan yang layak.

**10. Soalan:**

Jika akaun Simpan SSPN Prime pendeposit **TIDAK AKTIF**, adakah pendeposit tersebut masih layak untuk menyertai cabutan?

**Jawapan:**

**TIDAK LAYAK.** Pendeposit perlu memastikan akaun Simpan SSPN Prime kekal aktif dan tiada nilai tunggakan.

**11. Soalan:**

Apakah hadiah yang ditawarkan untuk promosi ini?

**Jawapan:**

Pemenang kempen akan memenangi hadiah seperti berikut:

**Hadiah Cabutan Prime Bonanza**

Pemenang	Hadiah
<b>Kategori: Platinum</b>	
<b>Utama</b>	Kereta Jaecoo J7 2WD PHEV x 1 pemenang
<b>Kedua</b>	Tunai bernilai RM50,000 x 1 pemenang
<b>Ketiga</b>	Tunai bernilai RM30,000 x 1 pemenang
<b>Saguhati</b>	Tunai bernilai RM1,000 x 50 pemenang
<b>Kategori: Gold</b>	
<b>Utama</b>	Kereta Proton X50 <i>Flagship</i> x 1 pemenang
<b>Kedua</b>	Tunai bernilai RM30,000 x 1 pemenang
<b>Ketiga</b>	Tunai bernilai RM10,000 x 1 pemenang
<b>Saguhati</b>	Tunai bernilai RM500 x 50 pemenang

**12. Soalan:**

Bilakah tarikh cabutan?

**Jawapan:**

Secara tentatifnya, tarikh cabutan adalah 20 hari selepas tamat tempoh setiap cabutan. Walau bagaimanapun, tarikh ini mungkin akan berubah mengikut keperluan dan keadaan semasa.

**13. Soalan:**

Bagaimanakah makluman kepada pemenang **Cabutan Prime Bonanza** akan dibuat?

**Jawapan:**

Pemenang akan dimaklumkan melalui surat/ emel/ panggilan telefon/ hebahan di laman web rasmi PTPTN atau kaedah penyampaian lain yang bersesuaian.

**14. Soalan:**

Bilakah hadiah tunai akan dikreditkan kepada pemenang?

**Jawapan:**

Hadiah berupa ganjaran tunai yang dimenangi akan dikreditkan ke dalam akaun Simpan SSPN Prime di dalam tempoh DUA (2) BULAN dari tarikh pengumuman pemenang. Pelarasan hadiah tunai akan dikreditkan ke dalam akaun Simpan SSPN Prime pendeposit yang dibuka untuk diri sendiri. Jika pemenang tidak mempunyai akaun tersebut, PTPTN berhak untuk membuka akaun Simpan SSPN Prime berdasarkan kepada butiran sedia ada pendeposit di akaun Simpan SSPN Prime.

Nota: Anda dinasihatkan untuk membaca dan memahami terma-terma dan syarat-syarat penuh kempen **Cabutan Prime Bonanza**.

*Maklumat dikemaskini pada 26 Jun 2026*